



6. september 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqutit nunarsuup sinnerani atorneqarsinnaasoq biilernermit allagartaq pillugu:**

**1. Suna pissutaava nunarsuup sinnerani atorneqarsinnaasumik biilernermit allagartartaartoqarsinnaannginneranut Kalaallit Nunaanni allagartaq pissarsiarisimangaanni?**

**2. Naalakkersuisut danskit naalagaaffiat attavigilersaarnerlugu siunertaralugu malittarisassat allanngortinneqarnissaat, Kalaallit Nunaanni biilernermit allagartaq pissarsiarisimangaanni nunarsuup sinnerani atorneqarsinnaasumik pisaartoqarsinnaanngorlugu?**

**3. Naalakkersuisut suliamut soqutiginaateqarsinnaasunik allanik paasissutissanik peqarnerlutik?**

(Inatsisartunut ilaasortaq Michael Rosing. Demokraatit)

### **Tunngavilersuut**

Malittarisassat ullumikkutut ikkallartillugit, nunarsuup sinnerani atorneqarsinnaasumik biilernermit allagartartaartoqarsinnaanngilaq, biilernermit allagartaq Kalaallit Nunaanni taamaallaat atorneqarsinnaasoq pigigaanni.

Tassa imaappoq, kalaalerpasuit EU-p aamma EØS-p avataaniittuni nunani biilnik ingerlatitsisinnaanngillat. Isumaqarpunga inissaminiissasoq misissussallugu qanoq iliorsinnaanersugut qularnaarniarlugu nunami maani innuttaasut nunarsuup sinnerani biilnik ingerlatsisinnaanermut piumasaqaatinik naammassinnittalernissaat.

Apeqqutit akeqquakka ullut suliffiit naliginnaasut qulit iluanni.